

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 8. De reservatione, & devolutione.

[urn:nbn:de:hbz:466:1-61816](#)

pus supplere consensum, si forte patronus renuerit. *Canis l.3. tt. 8. Less. cap. 34. dub. 36.* Fallitur ergo Rebuffus, qui *tt. de permut. n. 14.* & *15.* valere putat permutationem cum beneficio ficto, quod permutans se habere simulat.

V. Inæqualitas beneficiorum non impedit absoluto permutationem. Poterit inæqualia sunt. *Primi*, quando unum habet onus V. g. curam animarum alterum verò non habet. *Secundi* quando unum est pingue, alterum verò macileatum. Neutra tamen obesse potest permutatio, si absque vi, & dolo fiat. Contingit enim, ut magis conveniat mihi, quod tenuius est, vel gravius: quo posito non patior iniuriam, sed excessum, qui putatur inesse beneficio, condono. *Azor l. cit. Less. lo. cit. num. 199. Regin. l. 30. cap. 24. Franc. Leo in thesau. Par. 2. c. 19. dixi.* si absque vi & fraude fiat. Etenim sive invitus per vim, cui non potest resistere, impellitur, sive per fraudem, quam non videt, circumvenitur, congenitâ libertate per injuriam exutus est: adeoque vel beneficiorum permutatio viribus caret, ut non subsistat: vel certè à Magistratu ecclesiastico in ultionem sceleris & iniuriz irritanda est.

S. VIII.

De reservatione, & Devolutione beneficiorum.

I. Beneficia reservata dicuntur, quæ summus Pontifex ita addicit sibi, ut quando vacaverint, solus conferat. Reservatio beneficiorum igitur ita definiri potest. *Est alicuius beneficii ecclesiastici vacaturi per habentem ad id potestatem ad se facta arogatio.* Non fuisse olim in usu inde liquet,

quia in nullâ Decreti parte de ea mentio fit. In *Conc Basiliens. Sess. 23.* legimus, omnes omnium beneficiorum reservationes aboleri cum mandato, ne deinceps ulla fiat. Sed decretū illud à summo Pontifici non est approbatum, ne iuri & iurisdictioni tuæ vulnus infligeret. *Aeneas de falconib. de Reservat. Azor 11 l. 6. c. 36.*

II. Reservatio beneficiorum duplex est. *Generalis & Specialis.* *Generalis* est quando Pontifex sibi reservat omnia beneficia eiusdem ordinis. V. g. omnes ecclesias Metropolitanas, omnes Cathedrales &c. *Specialis* dicitur vel ratione loci, ut cum certæ alicuius ecclesiæ beneficia reservantur, vel ratione beneficii, ut cum certa dignitas reservatur, vel ratione personæ, ut si Pontifex mandet beneficium aliquod quando vacaverit Titio, aut Lucio conferri *Azor. loc. cit. Q. 3 Escobar Tract. 5. Exam. 1. §. 2.*

III. Papa reservat sibi. *Primi* collationem dignitatum, quæ post episcopalem maiores sunt in ecclesijs Cathedralibus, cuiusmodi in Germaniâ nostra sunt *Præposituræ*: Item collationem dignitatum principalium in ecclesijs Collegiatis, ut videtur est in *Reg. 3. Cancellaria.* Verum quia in multis ecclesijs dignitates per electionem conferuntur, signum est, privilegio obtentum esse. *Secundi* reservat omnia beneficia promovendorum, id est, quæ vacant per obtentionem alicuius V. g. episcopatus, aut similis prælaturæ à Papa conferendæ. Nec obstat, si episcopatus vel dignitas electiva sit, sed absolute post adeptam confirmationem, & quietam possessionem vacant beneficia prius habita. Imò locum habet prædicta reservatio, quando Pontifex dat alicui beneficium

G 2 habenti

¶ VIII. DE RESERVAT. ET DEVOLVT. BENEFICIOR.

habenti alterum incompatibile : huius enim ipso jure vacantis collatio sedi Apostolice reservatur ; ~~incompatibile~~, ~~huius enim ipso jure vacantis collatio sedi Apostolice reservatur~~. Tertio reservat omnia beneficia Cardinalium, Curialium ac familiarium Papæ , licet extra Curiam vacent : quin etiam referuntur beneficia illorum , qui Cardinalis alicuius domestici sunt. Nec obstar, si quo tempore moritar, non amplius erant in priore officio aut servitio, quia beneficia semel affecta semper affecta censentur. Quartò reservat beneficia per obitum legatorum ac Curialorum suorum, quorumcunque item ad Curiam venientium, & ab eâ recedentium, sive ipsâ Curiâ vel in locis ultra duas à Curiâ non distantibus moriantur. Extrah. ad regimen. de probend. Quinto reservat beneficia omnia, quæ vacant per depositionem, privationem vel translationem auctoritate Sedis Apost. factam. Item ad quæ aliqui in concordia, vel discordia electi vel postulati sunt, si electio cassata vel postulatio repulsa vel renunciatio ab iis facta , & admissa à Pontifice fuerit. Atque hæc, ut illa, de quibus num. præcedente in Curia vacare dicuntur. 6. 2. de prob. in 5. V. Reg Cancellaria Apost. & Cardin. Tusculani Conclus. 75. & sequ. Franc. Leo Par. 2. thesauri eccl. cap. 18 num. 78. Piusce. pag. 374.

IV. Prædictæ reservationes non uno modo limitari debent Nam. Primo locum non habent in beneficiis manualibus, sive ad nutrum amovilibus. Secundo in beneficiis ecclesiæ non numeratae sed receptivæ, id est, in qua non est certus numerus beneficiorum. Eiusmodi enim beneficia nunquam consentit vacare. Tertio in be-

neficiis quæ sunt iuris patronatus laicorum ex fundatione, constructione, donatione. Comprehenduntur tamen, quæ sunt iuris patronatus ecclesiastici vel in quibus ius præsentandi competit laicis ex privilegio, aut præsumptione fundata in privilegio. Neque enim expedit, ut laicorum juris quicquam derogetur, ne illorum pietas & studium in erigendis, & dotandis ecclesiis interescat. Quartò locum non habet in beneficiis quæ resignantur ut permittentur, quia non censentur propriè vacare : Denique eximenda sunt beneficia, ad quæ postulanda Imperator habet preces ex speciali privilegio, de quo V. Paratitla Vorburgi pag. 697. Covarr. l. Prædicar. Q.Q. 1.36. n. 4.

V. Extat apud Gallos pragmatica sanctione in Concilio Basili. concepta, à Carolo VII. Biturigibus probata. Anno 1438. & in senatu Parisiensi publicata z. Id. Iul. in qua summum Pontificis potestas in conferendis beneficiis non parum minuitur, ideoquæ in Conc. Lateran. reprobata est. Quanquam Degraffalius l. 2. regalium Francia docet Regibus Galliae collationem beneficiorum ecclesiasticorum convenire ex consuetudine immemoriali vel ex compositione facta in fundatione beneficiorum. Cosmas Iuris C. & senatus Paris. Consiliarius Pias. in Praxi pag. 391. Az. 11. l. 6. cap. 36v Q. 2.

VI. Beneficium esse reservatum, & affectum diversa sunt. Affecta propriè dicuntur, quæ ad tempus sic addicta & obligata sunt summum Pontifici, ut pro eo tempore omnibus alijs sublata potestas sit ea conferendi. V. g. Pontifex alicui beneficium contulit, sed propter impedimentum aliquod, Canonicum collatio invalida

PARS I. TIT. II. DE BENEFICIATIS.

da fuit, tunc beneficium illud dicitur affectum, quia non potest ab Ordinario conferri, sed denuò conferendum est auctoritate Papæ. Item commendat Papa alicui beneficium, si pro visus moriatur, manet affectum, ita ut dare illud solus Pontifex queat. *Federic. Consil. 290. Gemin. Consil. 138. Tusibus concl. 77.*

VII. Menses Apostolici in quibus beneficia vacantia ad summum Pontificem pertinebant, olim octo fuerunt, quatuor reliquos Ordinarij habebant: Postea Pius V. in favorem Ordinariorum sex menses tantum reservavit ita ut alternis mensibus Ordinarij ius conferendi habeant Papæ menses sunt Ianvarius, Martius, Maius, Iulius, September, November. In his mensibus beneficia Pontifex confert, quomodo cumque vacaverint, modò non vacent ex spontaneâ resignatione, quam Constitutiones Apostolicæ. *Cessum vocant.* Excipiuntur etiam beneficia, quorum conferendorum ius ad Archiepiscopum vel episcopum pertinet, qui simul sunt S. R. E. Cardinales. *Franc. Leo in thesau. et. dif. Par. 2 c. 8. Azor 11 l. 6. c. 36. Q. 11.*

VIII. Quod ad devolutionem beneficiorum attinet, iure Canonico cauteum est, ut si intra tempus præfixum non putat mensum conferantur à patronis suis beneficia, perdant pro eâ vice ius suum, & accedat Ordinaris, quod cum sit, caducum esse beneficium dicimus, quemadmodum Veteres I. C. appellant caducam dotem, caducum legatum, caducam hæreditatem. Huius moris causa est. Primo ne beneficia diu videntur, indeque ecclesia datum capiat. Secundò ut negligentia collatorum castigeretur, qui præscriptum tempus non observant. Idem sit, quando

scienter indignum eligunt. *Silv. in V. l. n. 9*
patronatus nu. 7. *Franc. Leo l. cit. n. 7. Vallens. l. 2. De benef. c. 20. Rebuff. 11. De devolutione n. 7. Silv. V. Beneficium IV. nu. 10.*

IX. Quando episcopus, cui conferendi ius tantum competit, negligens est, ad Cok legium Canonicorum devoluti beneficia existimat Abb. in c. *Cum in cunctis de elect. ubi aperte dicitur Episcopus autem si contra hac fecerit aut consenserit fieri, potestatem amittat, & per Capitalum ordinetur.* Aliter tamen vixum est *Innocentio*, qui ad episcopi superiorem censer devoluti. Quid in eiusmodi eventibus faciendum sit, ab usu & consuetudine loci sumendum est. *Vallent. l. 3. tt. 8. § 3. Item tt. 9. Azor 11. l. 6. cap. 28.* quæ licet pro diversitate locorum varia sit, nihil obest saluti credentium, cum illis Canonica non obsistat auctoritas. Manet siquidem una fides, quæ per dilectionem operatur bona. *c. Seit Sancta. Diff. 12.*

X. Si contingat ab Canonicis Cathedralibus episcopum eligi indignum, collatio ad summum Pontifice devoluitur ut expressè docet c. *Quanquam de elect. in 6. Excipe, nisi pars Canonicorum, quamvis minor, contradicat.* Tunc enim illorum iudicium & electio prævalet, iuxta c. *Gratum de post. Prel. abi. Abb. n. 5.* notat si plures è Capitulo sint inhabiles, puta, excommunicati, aut suspensi, totum ins. sive potestas capitularis residet apud habiles. In aliis minoribus beneficijs devolutio ad episcopum sit, cum à Capitularibus, qui ius eligendi vel confirmandi habent, peccatum est. *c. Cum in cunctis de concess. præb. Laym. l. 4. tr. 2. & 11. n. 5.*